



Møtebok for Formannskapet i Radøy

Møtedato: 09.05.2019
Møtested: Kommunestyresalen
Møtetid: 10.30

Møtedeltakarar	Parti	Rolle
Jon Askeland	SP	Ordførar
Jostein Borlaug	AP	Varaordførar
Anne Berit Bø Palmesen	SP	Medlem
Kirsti Gjetle Floen	AP	Medlem
Else Marie Skartveit Dale	KRF	Medlem
Kenneth Taule Murberg	H	Medlem
Vidar Grindheim	H	Varamedlem

Forfall	Parti	Møtande varamedlem
Christel Villanger Håland	H	Vidar Grindheim - H

Andre møtande:

Rådmann Jarle Landås, møtesekretær Arthur Kleiveland

Orientering: John Fredrik Wallace frå Meland kommune og Øystein Skofteland frå Norconsult orienterte om silingsprosess og planprogram for Sambandet Vest.

Underskrifter:

Jon Askeland
Ordførar

Arthur Kleiveland
møtesekretær

Sakliste

Saknr	Tittel
008/2019	Tilskot til politiske parti
009/2019	Salsløyve - Sletta Landhandleri
010/2019	Prosjekt- og aktivitetsstøtte - fordeling vår 2019
011/2019	Politisk styringsstruktur og reglement for Alver kommune
012/2019	Bruk av rådhuset på Manger i Alver kommune
013/2019	Inventar til ny barnehageavdeling Solhall
014/2019	Kostnadsramme bygging ny Bø barnehage
015/2019	Utviding av IKT Nordhordland - kommunalt oppgåvefellesskap, samarbeidsavtale §19
016/2019	Bortfall av bompengefritak for nullutsleppskøyretøy - Nordhordlandspakken
017/2019	Meldingar og referatsaker
018/2019	Sal av kommunale eigedomar Haugland skule mfl.

Radøy kommune

Saksframlegg

Saknr	Utval	Type	Dato
008/2019	Formannskapet i Radøy	PS	09.05.2019

Sakshandsamar	Arkivsaknr.:	Dokumentnr.:
	16/999	19/6904

Tilskot til politiske parti

Saksopplysingar:

Bakgrunn

Kommunane er ikkje pålagt å gje tilskot til dei politiske partia, men det er ein innarbeidd praksis i Radøy med slikt tilskot.

Kommunane avgjer sjølv omfanget av støtta, men dersom kommunane gjev slik økonomisk støtte, må ein følgja føresetnadene i partilova. I dette ligg det at eventuell støtte skal ytast høvesvis etter valoppslutning.

Samla storleik på tilskotet til kommunestyregruppene vert fastsett gjennom kommunen sine årlege budsjettvedtak. Dei seinare åra er det gitt 50 000 kroner i kommunalt tilskot til dei politiske partilaga.

I samsvar med den fordelingspraksis som ein har følgd i Radøy kommune vil rådmannen føreslå at det vert gjeve ei grunnstøtte på kr 1000,- til kvar av dei 6 kommunestyregruppene, dvs 12 prosent av samla støtte. Representantstøtta vil då verta kr 1760,- per representant i kommunestyregruppene.

Rådmannen sitt framlegg til vedtak:

Radøy kommune sitt tilskot på kr 50.000,- til kommunestyregruppene, vert gjeve med kr 1000,- i grunnstøtte til kvar gruppe og kr 1760,- til per representant i gruppene.

Formannskapet i Radøy - 008/2019

FS - handsaming:

Formannskapet vedtok samrøystes rådmannen sitt framlegg til vedtak.

FS - vedtak:

Radøy kommune sitt tilskot på kr 50.000,- til kommunestyregruppene, vert gjeve med kr 1000,- i grunnstøtte til kvar gruppe og kr 1760,- til per representant i gruppene.

Radøy kommune

Saksframlegg

Saknr	Utval	Type	Dato
009/2019	Formannskapet i Radøy	PS	09.05.2019

Sakshandsamar	Arkivsaknr.:	Dokumentnr.:
	19/714	19/6488

Salsløyve - Sletta Landhandleri

Saksopplysingar:

Bakgrunn

Radøy kommune mottok den 29.03.2019 søknad om salsløyve for alkoholhaldig drikk guppe 1 frå Sletta Landhandleri AS, org.nr 92237738, Hellandsvegen 521, 5939 Sletta. Butikken er i tidlegare Bunnpris Sletta sine lokale og det er i søknaden oppgjeve at det vil vera ein daglegvarebutikk med fullt spekter av daglegvare. Sletta Landhandleri AS vil vere ein nærbutikk for området, men og eit samlingspunkt for bygda og forbireisande.

Rebecca Elisabeth Bjørsvik er i søknaden oppgjeven som styrar for løyvet og Gunta Venge som stedfortredar. Begge desse har avlagt kunnskapsprøven i alkohollova.

Søknaden har vore til uttale hjå NAV, som ikkje har innvendingar mot at det vert gjeve salsløyve til Sletta Landhandleri AS.

Søknaden har vore til uttale hjå politiet, Kemnaren i Nordhordland og skatteetaten. Politiet og Kemnaren i Nordhordland har ikkje hatt merknader til søknaden og søkjarane. Skatteetaten har hatt ein merknad, og på bakgrunn av denne merknaden har kommunen gjort ei vandelsvurdering etter alkohollova § 1-7b, sjå vedlegg. Vandelsvurderinga er unnateke offentlegheit på grunn av personopplysningar.

Rådmannen konkluderar med at krava tilandel er oppfylt og ikkje til hinder for å gje salsløyve.

Vurdering

I Radøy kommune har det vore 5 løyve for sal av alkoholhaldig drikk (høgst 4,7 volumprosent), og då dette løyvet vil overta i lokala for eitt av dei tidlegare løyva vil det ikkje vere ein auke i salsstadar i kommunen. Ruspolitisk handlingsplan for Radøy set ikkje tak på tal utsalsstader, men målet er at talet skal haldast på eit lågt nivå. Det er rådmannen si vurdering at ein ved å innvilga salsløyve ikkje vil auka tilgjenge til alkohol i særleg grad, og det vil vera i tråd med gjeldande praksis i kommunen å godkjenna løyve til alkoholsal i daglegvarebutikk.

Styrar og stadfortredar innfrir formelle krav gjeve i alkohollova §1-7.

Konklusjon

På bakgrunn av ei heilskapleg vurdering tilrår rådmannen at det vert gjeve salsløyve for alkoholhaldig

drikk gruppe 1 til Sletta Landhandleri AS, og at Rebecca Elisabeth Bjørsvik vert godkjent som styrar for løyvet og Gunta Venge som stedfortredar.

Rådmannen sitt framlegg til vedtak:

I medhald av alkohollova §§ 1-4b, 1-5, 1-6, 1-7, 1-7a, 1-7b, 1-7c, 3-1, 3-7, 3-9 gjev formannskapet salsløyve til Sletta Landhandleri AS, org.nr.922377383. Vilkår og spesifikasjonar er gjevne her:

1. Salsløyvet gjeld all alkoholhaldig drikk med høgst 4.7 volumprosent alkohol.
2. Salsløyvet gjeld frå 10.05.2019 til 30.06.2020.
3. Løyvet gjeld på utsalstaden Sletta landhandleri AS, Hellandsvegen 521, 5939 Sletta
4. Styrar for løyvet er Rebecca Elisabeth Bjørsvik med Gunta Venge som stedfortredar.
5. Løyvehavar og styrar for løyvet pliktar å sjå til at alkohollova sine føresegner vert følgde.
6. Gjeldande salstider, sist gitt i *Forskrift om sal, skjenking og opningstider for alkoholhaldig drikke* vedteken av kommunestyret i Radøy kommune september 2016, skal følgjast.
7. Verksemda må til ei kvar tid vera godkjent av branntilsynet.

Formannskapet i Radøy - 009/2019

FS - handsaming:

Ordførar Jon Askeland viste til at slike saker normalt skal handsamast i kommunestyret, men at denne saka på grunn av tidsomsyn vert i tråd med reglementet avgjort som hastesak i formannskapet.

Else Marie Skartveit Dale (KrF) gjorde det klart at ho på prinsipielt grunnlag røystar mot søknaden.

Rådmannen sitt framlegg vart vedteke med 6 røyster mot 1 (Else Marie Dale, KrF).

FS - vedtak:

I medhald av alkohollova §§ 1-4b, 1-5, 1-6, 1-7, 1-7a, 1-7b, 1-7c, 3-1, 3-7, 3-9 gjev formannskapet salsløyve til Sletta Landhandleri AS, org.nr.922377383. Vilkår og spesifikasjonar er gjevne her:

1. Salsløyvet gjeld all alkoholhaldig drikk med høgst 4.7 volumprosent alkohol.
2. Salsløyvet gjeld frå 10.05.2019 til 30.06.2020.
3. Løyvet gjeld på utsalstaden Sletta landhandleri AS, Hellandsvegen 521, 5939 Sletta
4. Styrar for løyvet er Rebecca Elisabeth Bjørsvik med Gunta Venge som stedfortredar.
5. Løyvehavar og styrar for løyvet pliktar å sjå til at alkohollova sine føresegner vert følgde.
6. Gjeldande salstider, sist gitt i *Forskrift om sal, skjenking og opningstider for alkoholhaldig drikke* vedteken av kommunestyret i Radøy kommune september 2016, skal følgjast.
7. Verksemda må til ei kvar tid vera godkjent av branntilsynet.

Vedlegg:

Vandelsvurdering etter alkohollova

Søknad om salsløyve - Sletta Landhandleri (L)(289074)

Radøy kommune

Saksframlegg

Saknr	Utval	Type	Dato
010/2019	Formannskapet i Radøy	PS	09.05.2019

Sakshandsamar	Arkivsaknr.:	Dokumentnr.:
Anne Dahle Austrheim	19/363	19/6597

Prosjekt- og aktivitetsstøtte - fordeling vår 2019

Saksopplysingar:

Bakgrunn

Radøy kommune har gjort endringar i tildeling av prosjekt- og aktivitetstilskot frå kulturmidlane. Tidlegare vart kvar søknad vurdert og handsama fortløpande. I år vert midlane fordelt to gonger i året. Det er 30.000 kroner til fordeling i begge søknadsrundane. Det er kome inn ni søknader om prosjekt- og aktivitetsstøtte.

Kommunale kulturmidlar kan gjevast til lag, foreiningar og organisasjonar som har sitt virke i Radøy kommune. Regionale organisasjonar og fylkesorganisasjonar kan få tilskot dersom midlane vert øyremerkte verksemd i Radøy kommune, og det ikkje finst lag i kommunen som ivaretar denne aktiviteten. Det er då ein føresetnad at organisasjonen har medlemmer som er busette i Radøy kommune.

Tilskot kan gjevast til opne kulturarrangement og –prosjekt, og til innkjøp av utstyr. Arrangement og prosjekt som er nyskapande vert prioriterte. Tilskotet er behovsprøvd og kan gjevast som:

- Underskotsgaranti
- Direkte tilskot

Retningslinene seier at aktivitetar for barn og unge vert prioriterte. I tillegg skal aktivitetar som femnar om menneske med nedsett funksjonsevne og tiltak som fremjar integrering prioriterast.

Desse har søkt om tilskot:

Nordhordland Sykkelklubb skal i slutten av juni arrangera master-NM (veteran-NM) i landevegssykling. Sykkelklubben søker Radøy kommune om tilskot til arrangementet.

Temporittet i meisterskapet er lagt til Austrheim/Radøy – med start ved Austrheim samfunnshus og mål på Soltveit. Fellesstarten går i rundløype Alversund-Erstadfjellet-Seim-Vollom-Alversund.

Veteran-NM er det største enkeltarrangementet som Nordhordland sykkelklubb nokon gong har gjennomført. Arrangøren har eit budsjett med utgifter på kr 185.000,-. Basert på rundt 300 deltakarar og forventa sponsorinntekter, kan inntektssida koma opp i 210.000 kroner. Sjølv om sykkelklubben gjer det meste av arrangementet på dugnad, er det ei rekkje kostnader knytt til eit sykkel-NM for veteranar. Fleire lokale samarbeidspartnarar vil få dugnadsinntekter for jobben dei gjer.

Eitt av arrangementa i veteran-NM er lagt til Radøy. Dette er eit stort arrangement for ein lokal klubb, og også god marknadsføring av kommunen og distriktet.

Det er ikkje eigen sykkelklubb i kommunen, men ein god del av medlemmane er busette i Radøy.

Konklusjon:

Det vert tilrådd eit tilskot på 5000 kroner.

Hordabø minikantori har arrangert familiekonsert saman med artisten og barnesongskrivaren Bjarte Leithaug i Hordabø kyrkje. Det vert søkt om tilskot på 8500 kroner til å dekkja honorar til artist og til lys og lyd.

Koret har i finansieringsplanen ført opp 12.500 kroner i utgifter i samband med konserten, og 4000 kroner i inntekter i kollekt ved utgangen.

Prosjektet det vert søkt om tilskot til, ligg innanfor retningslinene for tildeling, der aktivitetar for barn og unge er prioriterte.

Konklusjon:

Det vert tilrådd eit tilskot på kr 4000,-.

Eikanger Bjørsvik Musikklag har søkt om støtte til deltaking i Europameisterskapet for Brass Band 2019 i Montreux. Korpset viser i søknaden til eit finansieringsbehov på ca 580 000 kroner for dei 30 musikarane.

EBML søker om eit bidrag på kr 6000,-.

Utfrå regelverket fell denne søknaden utanfor vedtekne kriterier. Søknaden gjeld eit korps utanfor kommunen, og Radøy har sjølv eit sterkt korpsmiljø. Eikanger Bjørsvik Musikklag har heller ikkje utøvarar som er busette i Radøy.

Konklusjon

Søknaden vert avslegen.

Manger skulemusikklag ønskjer å profilera seg når skulekorpset er på reiser og konkurransar. For å visa tydeleg kven dei er og kvar dei kjem frå, vil dei kjøpa T-skjorter (med trykk) til musikantane i senior- og juniorkorpset. Korpset søker om tilskot til innkjøp av T-skjorter til musikantane.

I følgje søknaden vil dette kosta ca 20 000 kroner, og det vert søkt om 20 000 kroner i tilskot.

Det er fint at Manger skulemusikklag vil marknadsføra kommunen på denne måten, og skulekorpsa våre er gode ambassadørar.

Konklusjon

Det vert tilrådd eit tilskot på kr 5000,-.

Hordabø skulemusikklag fyller 50 år i 2019. Dette vart feira med jubileumsshow – «ABBA retro» og jubileumsfest i Hordabøhallen.

Skulekorpset har søkt om 20.000 kroner i prosjekt- og aktivitetsstøtte til jubileumsshowet. I søknaden vert det peika på at eit tilskot vil sikra at jubileumsarrangementet ikkje går ut over den daglege drifta av korpset økonomisk.

Hordabø skulemusikklag har hatt ein serie flotte show, saman med band og solistar, og sette opp eit nytt show i samband med jubileumsfeiringa.

Korpset har ein finansieringsplan som viser utgifter på kr 50 000,- der lys/lyd (20 000) og seminar/instruksjonskostnader (16 000) er dei største kostnadane. Inntektene er stipulert til 30 000 kroner.

Hordabø skulemusikklag har fått kommunalt tilskot til denne type showproduksjon tidlegare. Dette er eit tilbod til barn og unge, og som også er eit samarbeid på tvers av generasjonar.

Konklusjon:

Det vert tilrådd eit tilskot på kr 7000,-.

Nordhordland Turlag og skulane samarbeidar om Opptur for elevane i 8. klasse. Denne dagen får elevane ein prøvesmak på friluftsliv, uavhengig av tidlegare erfaring med fysisk aktivitet. Målet er å få fleire ungdomar til å oppleve gleda ved friluftslivet.

DNT sentralt og Bergen og Hordaland Turlag går til saman inn med 50 000 kroner til Opptur. Nordhordland Turlag ber kommunane dekkja transportkostnadane med buss til turmålet, som vil kosta 44.000 kroner for elevane tilsaman. Turlaget har søkt Radøy kommune om kr 7500,- i transporttilskot i samband med Opptur.

Opptur er eit fint breiddetiltak for unge, og med god folkehelse-profil. Dette er eit tilbod som er tilrettelagt for alle i målgruppa, og som det etter rådmannen si meining er viktig å støtta.

Konklusjon:

Det vert tilrådd eit tilskot på 2000 kroner.

Nordhordland Turlag skal arrangera «Midtsommarnatt-tur». Turlaget kallar det ein «merkevaretur» Radøy på langs. Starten går ved Hilland-feltet kl. 21.30 om kvelden og turfølgjet skal etter planen vera framme på Rossnes kl. 08.30, med felles frukost i kaiområdet. Turen er open for alle og det vert moglegheit til å vera med på ein korttur undervegs.

Nordhordland Turlag søker om 10 000 kroner i støtte i prosjekt- og aktivitetsstøtte, øyremerkt til busstransport frå Rossnes og tilbake til Hilland etter avslutta tur, og til marknadsføring av «midtsommarnatt»-turen.

Rådmannen ser dette som eit spennande prosjekt i friluftslivet og folkehelsa si teikn, som vil vera god marknadsføring for kommunen. Prosjektet kan også omtalast som nyskapande.

Konklusjon

Det vert tilrådd eit tilskot på kr 2000,-

Radøy sogelag gav i 2011 ut boka «Krigsår på Radøy». Boka vart trykt i 1000 eksemplar, men vart fort utseld. No vil sogelaget trykkja boka i nytt opplag (600 eks) og søker om kr 20 000,- i tilskot til

bokprosjektet. Samla kostnadsramme for nytt opplegg er på kr 47 813,-.

I søknaden skriv sogelaget at dei vil gje 100 eks. som klassesett i gåve til kvar av skulane i kommunen til bruk i undervisninga. Resten av opplaget vert lagt ut for sal til same pris som sist – kr 200,-.

Sogelaget viser til at laget har fått ein del førespurnader om kvar ein kan få tak i boka. Det er viktig at også komande generasjonar vert kjende med krigshistoria på Radøy. Sogelaget har gjort ein god jobb med å ta vare både på lokal krigshistorie og anna historisk materiale, som elles gjerne ville gått i gløymeboka. Sogelaget fekk kommunal støtte til utgjevinga av «Krigsår i Radøy».

Konklusjon:

Det vert tilrådd eit tilskot på kr 5000,-

Sogelaga i Radøy, Meland og Lindås, og Lyngheisenteret, har gått saman om å få bygt ein kopi av Austfjordbåten ved Hardanger fartyvernssenter. Prosjektet er kostnadsrekna til kr 658 250,-, og det er søkt om eit tilskot på 25 000 kroner.

Originalen av Austfjordbåten er frå 1890. Byggjeskikken er typisk for Nordhordland, og båten er meint å vera ein representasjonsbåt for Alver kommune og bruksbåt i undervisningsopplegg for skulane.

Lyngheisenteret skal administrera bruken av båten i heile Alver kommune. I søknaden vert det peika på at ein klinkbygd trebåt frå Nordhordland har stor lokalhistorisk verdi for framtida.

Det er prisverdig at fleire lag går saman om å realisera dette båtprosjektet, som har historisk verdi for bygdene våre. Dette er eit prosjekt som Alver kommune bør vurderer å støtta opp om.

Konklusjon:

Søknaden vert avslegen.

Rådmannen sitt framlegg til fordeling har vore til uttale hjå song- og musikkrådet, idrettsrådet og ungdomsrådet. Idrettsrådet og song- og musikkrådet har ingen merknader til framlegget.

Ungdomsrådet er ikkje samd i at Nordhordland sykkelklubb skal få 7000 kroner i samband som tilskipar av veteran-NM. Rådet peikar på at inntekts- og utgiftssida viser eit bra overskot på arrangementet, og meiner desse midlane burde fordelast på nokre av dei andre søkjarane.

Etter høyringsrunden meiner rådmannen det er grunnlag for ei endring i innstillinga til formannskapet. Rådmannen ønskjer å støtta opp om Nordhordland Turlag sitt prosjekt Opptur. Dette er eit flott breiddetilbod som når alle Radøy-elevane på 8. årssteget. Rådmannen gjer framlegg om å gje 2000 kroner i tilskot til dette prosjektet, og redusera tilskot til sykkel-NM for veteranar med 2000 kroner.

Rådmannen sitt framlegg til vedtak:

Følgjande søkjarar får tildelt prosjekt- og aktivitetsstøtte:

- Nordhordland sykkelklubb	sykkel-NM for veteranar	kr 5000,-
- Hordabø minikantori	konserter m/Bjarte Leithaug	kr 4000,-
- Manger skulemusikklag	T-skjorter m/trykk	kr 5000,-
- Hordabø skulemusikklag	jubileumsshow	kr 7000,-
- Nordhordland turlag	«Midtsommarnatt-tur»	kr 2000,-
- Radøy sogelag	nytt opplag «Krigsår på Radøy»	kr 5000,-
- Nordhordland Turlag	transport elevar Opptur	kr 2000,-

Følgjande søknader vert avslegne:

Eikanger Bjørsvik Musikklag	EM-deltaking
Sogelaga i Radøy, Meland,	
Lindås og Lyngheiseret	kopi av Austfjordbåten

Formannskapet i Radøy - 010/2019

FS - handsaming:

Vidar Grindheim (H) informerte om at han er involvert i styret i eit av laga som har søkt om støtte. Formannskapet erklærte Grindheim inhabil, og han deltok difor ikkje i handsaminga av saka. Formannskapet vedtok rådmannen sitt framlegg til vedtak.

FS - vedtak:

Følgjande søkjarar får tildelt prosjekt- og aktivitetsstøtte:

- Nordhordland sykkelklubb	- sykkel-NM for veteranar	kr 5000,-
- Hordabø minikantori	- konsert m/Bjarte Leithaug	kr 4000,-
- Manger skulemusikklag	- T-skjorter m/trykk	kr 5000,-
- Hordabø skulemusikklag	- jubileumsshow	kr 7000,-
- Nordhordland turlag	- «Midtsommarnatt-tur»	kr 2000,-
- Radøy sogelag	- nytt opplag «Krigsår på Radøy»	kr 5000,-
- Nordhordland Turlag	- transport elevar Opptur	kr 2000,-

Følgjande søknader vert avslegne:

Eikanger Bjørsvik Musikklag	- EM-deltaking
Sogelaga i Radøy, Meland,	
Lindås og Lyngheiseret	- kopi av Austfjordbåten

Vedlegg:

Nordh. turlag Midtsommarnattstur_
 Nordh. turlag Budsjettforslag 2019_ (1)
 Nordh. turlag Rekneskap 2018_
 Nordh. turlag Opptur_
 Nordh. sykkelklubb Søknad NM veteran
 Nordhordl. s.klubb Førebels budsjett master NM
 Nordhordl. sykkelklubb Budsjett NM veteran
 Manger sk.m.lag T-skjorter med trykk
 Manger skulemusikklag - rekneskap

Hordabø skulemusikklag - jubileumsshow
Hordabø minikantori familiekonsert med B_Leithaug
EBML - EM-tur
Radøy sogelag - bokprosjekt
Radøy sogelag_budsjett bokprosjekt
Radøy sogelag_rekneskap 2018
Radøy sogelag - båtprosjekt
Uttale ungdomsrådet

Radøy kommune

Saksframlegg

Saknr	Utval	Type	Dato
011/2019	Formannskapet i Radøy	PS	09.05.2019

Sakshandsamar	Arkivsaknr.:	Dokumentnr.:
Jarle Landås	19/797	19/6051

Politisk styringsstruktur og reglement for Alver kommune

Saksopplysingar:

Bakgrunn

Fellesnemnda for Alver kommune vedtok i mars 2018 prosjektmandat for politisk styringsstruktur og lokaldemokrati. Det vart valt ei prosjektgruppe som har hatt som hovudmål å utgreia og koma med framlegg til politisk organisering og struktur for Alver kommune.

Prosjektgruppa har lagt fram sitt forslag, og fellesnemnda handsama saka i møte 1. april 2019.

Fellesnemnda gjorde følgjande vedtak:

Fellesnemnda har lagt fram sak om Politisk styringsstruktur og reglement for Alver kommune til orientering.

Saka blir sendt på høyring til utvala og dei politiske parti i Lindås, Meland og Radøy med svarfrist innan 20.05.19.

Endeleg innstilling i saka vil bli lagt fram i Fellesnemnda sitt møte 03.06.2019.

I framlegget frå prosjektgruppa ligg intensjonsavtalen sitt punkt 6 – demokratimodellen, til grunn for den politiske organiseringa.

Prinsippet om gjennomgåande representasjon ligg til grunn for val av formannskap og faste utval.

Det som no er lagt fram frå prosjektgruppa er følgjande:

- reglement for kommunestyre, formannskap, utval og råd.
- Budsjettreglement
- Prosjektstyring
- Rapportering frå rådmann
- Etske retningslinjer
- Delegering til rådmann
- Arbeidsvikår og godtgjersle til folkevalde

Prosjektgruppa har hatt ein gjennomgang av reglement for kommunar tilsvarande Alver i tillegg til gjeldande reglement for Radøy, Meland og Lindås.

Alver kommunestyre vil ha 47 representantar, etter likelydane vedtak i kommunestyra i Radøy, Meland og Lindås. Ved rullering av reglementet rår prosjektgruppa til å redusera tal medlemmar i kommunestyret.

Fellesnemnda har sett 20. mai som frist for å koma med uttale til politisk styringsstruktur og reglement for Alver kommune.

Endeleg innstilling i saka vil bli lagt fram i Fellesnemnda sitt møte 03.06.2019.

Det er fellesnemnda som har sendt denne saka ut på høyring, og det er fellesnemnda som også skal ta avgjerd i saka. Rådmannen meiner difor det vil vera riktig å leggja fram saka for formannskapet utan tilråding.

Rådmannen sitt framlegg til vedtak:

Saka vert lagt fram til drøfting og uttale.

Formannskapet i Radøy - 011/2019

FS - handsaming:

Ei prosjektgruppe for politisk styringsstruktur og lokaldemokrati, sett ned av fellesnemnda, har hatt som hovudmål å utgreia og koma med framlegg til politisk organisering og struktur for Alver kommune. Kenneth Taule Murberg, som har vore leiar i prosjektgruppa, orienterte om gruppa sitt arbeid og sentrale prinsipp. Han trekte fram ordninga med tapt arbeidsforteneste, satsar for møtegodtgjersle, og fast årleg godtgjersle med utgangspunkt i ordførarløn.

Prosjektgruppa har gjort framlegg om at ordførarløna skal vera 121 prosent av løn til stortingsrepresentant. Det er gjort framlegg om at varaordfører skal ha 50 prosent stilling.

Formannskapet drøfta mellom anna godtgjersle til ordfører, og konkluderte med at den bør vera 100 prosent av løn til stortingsrepresentant. Samtidig ser formannskapet behov for varaordfører i meir enn 50 prosent stilling, særleg i dei første åra. Det vart i drøftinga lagt vekt på at den folkevalde leiinga må vera godt rusta i dialog med den administrative leiinga.

Det vart også reist spørsmål om helsestasjonen (med jordmor) og barnevernet si plassering i den politiske utvalsstrukturen. Formannskapet uttalar at "helsestasjonen med jordmor og barnevernet kan ha spørsmål og tenester som høyrer til utval for helse- og omsorg."

Etter ein grundig gjennomgang sette ordføraren fram følgjande felles innstilling i formannskapet:

Radøy formannskap gjev følgjande innspel til høyringsutkastet. Formannskapet understrekar at dei fleste partia ikkje har handsama høyringa enno, og at det kan koma yttarlegare og andre innspel frå desse fram til vedtak i fellesnemnda.

1. Godtgjersla til ordfører vert sett til godtgjersle for stortingsrepresentant.
2. Varaordfører vert i første perioden sett til minst 60% stilling, med presisering om at dette kan vurderast for neste periode, då den første kommunestyreperioden vert viktig og arbeidskrevjande.
3. Godtgjersla til formannskapet bør aukast, då dette organet har stor arbeidsmengd.
4. Det bør arbeidast vidare med retningslinjer for reisegodtgjersle, kjørebok, tapt arbeidsinntekt, heil/halvdagsmøtegodtgjersle mm. Og kontrollfunksjon for utbetalte godtgjersler.
5. Det bør utarbeidast retningslinjer for hovudarbeidsoppgåver for varaordfører
6. Heile reglementet må justerast og tilpassast gjeldande (ny) kommunelov.
7. Tidspunkt for spørjetimen bør leggjast til ettermiddag (dersom kommunestyremøtet startar td kl 1200).

8. Delegering til rådmann skal vera systematisert, men bør ikkje knyttast til eit bestemt system i reglementet.
9. Framlegg (pkt e) bør normalt handsamast i det påfølgjande møte i vedkomande organ.
10. Det må presiserast at økonomisaker skal til formannskapet, dermed innstiller «fagutvala» til formannskapet i desse sakene.
11. Helsestasjonen med jordmor og barnevernet kan ha spørsmål og tenester som høyrer til utval for helse- og omsorg.
12. Delegasjon til rådmann vil truleg krevja klokskap frå politisk side i tidleg fase, for å unngå utilsikta praksis og forventningar ut frå praksis i dei tre kommunane i dag.

Formannskapet slutta seg til innspelet sett fram i møtet.

FS - vedtak:

Formannskapet gjev følgjande innspel til høringsutkastet. Formannskapet understrekar at dei fleste partia ikkje har handsama høyringa enno, og at det kan koma yttarelegare og andre innspel frå desse fram til vedtak i fellesnemnda.

1. Godtgjersla til ordførar vert sett til godtgjersle for stortingsrepresentant.
2. Varaordførar vert i første perioden sett til minst 60% stilling, med presisering om at dette kan vurderast for neste periode, då den første kommunestyreperioden vert viktig og arbeidskrevjande.
3. Godtgjersla til formannskapet bør aukast, då dette organet har stor arbeidsmengd.
4. Det bør arbeidast vidare med retningslinjer for reisegodtgjersle, kjørebok, tapt arbeidsinntekt, heil/halvdagsmøtegodtgjersle mm. Og kontrollfunksjon for utbetalte godtgjersler.
5. Det bør utarbeidast retningslinjer for hovudarbeidsoppgåver for varaordførar.
6. Heile reglementet må justerast og tilpassast gjeldande (ny) kommunelov.
7. Tidspunkt for spørjetimen bør leggjast til ettermidag(dersom kommunestyremøtet startar td kl 1200).
8. Delegering til rådmann skal vera systematisert, men bør ikkje knyttast til eit bestemt system i reglementet.
9. Framlegg (pkt e) bør normalt handsamast i det påfølgjande møte i vedkomande organ
10. Det må presiserast at økonomisaker skal til formannskapet, dermed innstiller «fagutvala» til formannskapet i desse sakene
11. Helsestasjonen med jordmor og barnevernet kan ha spørsmål og tenester som høyrer til utval for helse- og omsorg
12. Delegasjon til rådmann vil truleg krevja klokskap frå politisk side i tidleg fase, for å unngå utilsikta praksis og forventningar ut frå dagens praksis i dei tre kommunane i dag.

Vedlegg:

Politisk styringsstruktur og reglement - til uttale_03.04.2019

Politisk styringsstruktur og reglement for Alver kommune - sak frå fellesnemnda

Matrise for avlønning vedlegg

Radøy kommune

Saksframlegg

Saknr	Utval	Type	Dato
012/2019	Formannskapet i Radøy	PS	09.05.2019

Sakshandsamar	Arkivsaknr.:	Dokumentnr.:
Jarle Landås	17/1096	19/6476

Bruk av rådhuset på Manger i Alver kommune

Saksopplysingar:

Bakgrunn

Lokalisering av kontorarbeidsplassar i Alver kommune er eit eige prosjekt i bygginga av den nye kommunen. Det er sett ned ei arbeidsgruppe som skal utarbeide kartlegging som grunnlag for vidare arbeid.

Programansvarleg har utarbeidd eit utgangspunkt for plassering av kontorarbeidsplassar basert på intensjonsavtalen, der det går fram at minimum følgjande vil bli plassert på Manger:

- Sjukeheim (Velferdssenteret)
- Heimeteneste
- Dagsenter
- Bufellesskap
- Psykisk helse og rus
- Legekontor
- Fysio/ergoterapi
- Helsestasjon
- Radøy ungdomsskule
- Manger skule
- Prestmarka bhg
- Kulturskule
- Bibliotek
- Driftsavdelingar teknisk
- Brannstasjon

I tillegg går det fram av intensjonsavtalen at det skal vere innbyggjarrettlegging i alle rådhusa i dei tre kommunane. Det er organisert eit eige prosjekt knytt til bygginga av Alver for å finne kva dette inneber.

Rådhuset i Knarvik skal huse rådmann med dei mest sentrale funksjonane. Kontorfunksjonar teknisk, samfunnsutvikling utanom kulturskule og bibliotek, HR og utvikling, samt økonomi (ikkje utfyllande) vil bli plassert i rådhus/anna kontorlokale.

Programansvarleg har trong for ei rask avklaring av planlagt bruk av rådhuset på Manger, slik at dette

kan danne grunnlag for det vidare arbeidet med lokaliseringa av kontorplassane i Alver.

Og arkitekter AS leverte i oktober 2017 rapport frå ein moglegheitsstudie for rådhuset og Prestegarden på Manger. Studien peikar på moglegheiten for å nytte rådhuset til kulturhus med i hovudsak funksjonane bibliotek, kino, kulturskule, frivilligsentral, øvingslokale og kontorplassar.

Formannskapet i Radøy handsama sak om mulegheitsstudien 25.01.18 og fatta følgjande vedtak. *Rådmannen går vidare med utvikling av rådhuset som kulturhus, slik det er skissert i rapporten frå mulegheitsstudien, ved å gjennomføre eit forprosjekt som grunnlag for sak til politisk handsaming. Arbeidet med oppgradering av Prestegarden og Prestegardshagen vert gjennomført i tråd med budsjettløyving i 2018.*

Arbeidet med forprosjekt er sett i gang og vil vere ferdig før sommaren. Forprosjektet vil utgreie kva som er praktisk mogleg og hensiktsmessig å plassere i rådhuset, samt skissere kostnadene. Arealstørrelse og bygningsmessige tilhøve vil vere avgjande moment.

Fleksible kontorplassar vil opne opp for at ulike tenester vil kunne ha kontordagar på rådhuset på Manger, til dømes landbrukskontor og byggjesak. Dette er peikt på som ein sentral del av forprosjektet.

Prosjektet jobbar spesifikt med oppgradering av kinosalen for om mogleg å starte med dette inneverande år. Det er fukt i kinosalen og det blir arbeidd med å sjekke grunnforholda utanfor rådhuset. Retting av forholda vil bli sett igang straks årsaka er avdekka.

Når forprosjektet er ferdig vil rapport frå arbeidet bli lagt fram til politisk handsaming.

I investeringsbudsjettet for 2019 er det løyvd 5 millionar kroner på posten rådhus/kulturhus/kino til planlegging og bygningsmessige tiltak. I økonomiplanen er det sett av ytterlegare 5 millionar i 2020. Det er truleg at kostnadene for ombygging av rådhuset vil overstige 10 millionar, men dette vert avklara i forprosjektet. Kostnadene må uansett inn i budsjettet for Alver kommune og vil bli spelt inn i budsjettprosessen for Alver kommune – og som er styrt av fellesnemnda.

Vurdering

For å kome vidare i lokalisering av funksjonane i Alver kommune er det naudsynt å avklare kva som skal leggst til rådhuset på Manger. Pågåande forprosjekt skal finne kva som er mogleg og hensiktsmessig å legge til rådhuset og kva som er stipulert kostnad for dette. Det er tilstrekkeleg for lokaliseringsprosjektet i Alver at det no blir tatt stilling til rammene for kva funksjonane som kan leggst til rådhuset. Avklaring om kva som faktisk skal leggst til rådhuset innanfor vedteken ramme, kjem i eiga politisk sak når forprosjektet er ferdig.

Konklusjon

Lokaliseringsprosjekt om kontorplassar i Alver kan forhalde seg til at rådhuset på Manger vert disponert til aktivitet som skissert i moglegheitsstudien og intensjonsavtalen.

Rådmannen sitt framlegg til vedtak:

Rådhuset på Manger vert disponert til aktivitetar som er peika på i moglegheitsstudien og fastsett i intensjonsavtalen: kinosal, bibliotek, frivilligsentral, kulturskule, innbyggjarrettleiing, øvingslokale og fleksible kontorplassar. Forprosjekt for bruk av rådhuset på Manger utgreiar kva som er mogleg og

hensiktsmessig innanfor desse rammene. Endeleg vedtak om bruk av rådhuset vert fatta i eiga politisk sak.

Formannskapet i Radøy - 012/2019

FS - handsaming:

Programansvarleg i Alver kommune har trong for ei rask avklaring av planlagt bruk av rådhuset på Manger, slik at dette kan danne grunnlag for det vidare arbeidet med kontorkabalen i Alver.

Rådmann Jarle Landås orienterte om mogleg framtidig bruk av rådhuset, basert på det som er peika på i ein tidlegare utarbeidd moglegheitsstudie. Dette arbeidet vil bli følgd opp.

Han skisserte mogleg løysing med fleksible kontorarbeidsplassar for utekontordagar i ulike tenesteområde, bibliotek i kombinasjon med innbyggjar-rettleiing, lokale for kulturskule (med øvingsrom) og frivilligsentral, kinosal (kanske med ei lita scene), og det blir også sett på mogleg øvingslokale for korps.

Kva som er mogleg å få til i rådhuset på Manger, vil bli lagt fram til politisk handsaming når rapporten frå dette arbeidet er ferdig.

Formannskapet vedtok rådmannen sitt framlegg til vedtak.

FS - vedtak:

Rådhuset på Manger vert disponert til aktivitetar som er peika på i moglegheitsstudien og fastsett i intensjonsavtalen: kinosal, bibliotek, frivilligsentral, kulturskule, innbyggjarrettleiing, øvingslokale og fleksible kontorplassar. Forprosjekt for bruk av rådhuset på Manger utgreiar kva som er mogleg og hensiktsmessig innanfor desse rammene. Endeleg vedtak om bruk av rådhuset vert fatta i eiga politisk sak.

Radøy kommune

Saksframlegg

Saknr	Utval	Type	Dato
013/2019	Formannskapet i Radøy	PS	09.05.2019
	Kommunestyret i Radøy	PS	

Sakshandsamar	Arkivsaknr.:	Dokumentnr.:
Sveinung Kvamme	19/691	19/5123

Inventar til ny barnehageavdeling Solhall

Saksopplysingar:

Kommunestyret har i sak 032/2018 vedteke investeringsramme for ombygging Solhall byggetrinn 1, til kr 32.000.000. Dette omfatta kjøp av eigedomen og bygningsmessig oppgradering av anlegget.

Anleggsarbeidet følgjer planlagt framdrift, og ein har no starta planlegging av drifta som skal vera i bygget. Innkjøp av inventar og utstyr til den nye barnehageavdelinga er ikkje ein del av kostnadsramma. Årsaka til dette er at prosjektet var definert nettopp til kjøp av bygning og bygningsmessig oppgradering. Anbudsprosessen er byggrelatert, og det ville ikkje vera hensiktsmessig å ta inn inventar og utstyr som ein del av denne anbudsprosessen.

Det finst ein del inventar og utstyr på Dale, på Bø og på Solhall, men mykje av dette er gammalt og velbrukt og må skiftast ut. Rådmannen meiner det må vera rett å tenkja heilskap her, slik at barnehageavdelinga framstår som tidsriktig, både bygnings- og inventarmessig. Det trengst nye sitjegrupper til personalrom, bord og stolar til møterom, kontorpultar, kontorstolar og hyller til arbeidsrom og ymse inventar til avdelingane. I tillegg kjem smarttavler, infotavler og anna IKT utstyr.

Samla kostnad er estimert til kr 600.000, medrekna 5% til uføresette kostnader. Rådmannen vurderer dette som eit svært nøkternt overslag, og meiner at det bør setjast av ytterlegare 10% til andre uføresette kostnader, slik at samla kostnadsramme for inventar og utstyr vert sett til kr 660.000,-. Dete vert oppretta nytt prosjektnummer 27135 for rekneskapsrapportering skjema 2B.

Rådmannen rår til at investeringa vert finansiert ved bruk av unytta lånemidlar.

Rådmannen sitt framlegg til vedtak:

Kostnadsramme for investering i inventar og utstyr til ny barnehageavdeling på Solhall, prosjekt nr 27135, vert sett til kr 660.000. Finansiering ved bruk av unytta lånemidlar.

Formannskapet i Radøy - 013/2019

FS - handsaming:

Formannskapet vedtok rådmannen sitt framlegg til vedtak.

FS - vedtak:

Kostnadsramme for investering i inventar og utstyr til ny barnehageavdeling på Solhall, prosjekt nr 27135, vert sett til kr 660.000. Finansiering ved bruk av unytta lånemidlar.

Radøy kommune

Saksframlegg

Saknr	Utval	Type	Dato
014/2019	Formannskapet i Radøy	PS	09.05.2019
	Kommunestyret i Radøy	PS	

Sakshandsamar	Arkivsaknr.:	Dokumentnr.:
Sveinung Kvamme	19/616	19/4568

Kostnadsramme bygging ny Bø barnehage

Saksopplysingar:

Bakgrunn

Arbeidet med ny barnehage på Bø har halde på i ei årrekkje, og ein har no fått pris på totalendrepise på prosjektet.

I åra 2016 – 2018 har det kome på kr 2.597.717,44 til planlegging, arkitekt, miljørapport, brannkonsept etc.

I 2019 og 2020 vil det koma på kostnader til totalentreprenør, arkitekt, byggherreombod, prosjektleiar og administrasjon. Totalentreprisen utgjer kr 59.621.933, resterande kostnader er estimert til kr 915.000. Totalentreprisen omfattar grunn- og byggearbeid, medrekna parkeringsplass og leikeareal med faste leikeapparat.

Inventar og laust utstyr er ikkje med i totalentreprisen, og heller ikkje med i kostnadsramma.

I tillegg meiner rådmannen at det må setjast av 10% til uføresette kostnader. Sjølv om dette er eit nybygg, vil ein kunna møte utfordringar som krev arbeid ut over det som er føresett i entreprisen. Dette gir ein samla kostnadsramme for åra 2016 – 2020 på kr 69.188.343, avrunda til kr 69.200.000,-.

Det er gjort overslag over kostnader til inventar og utstyr på om lag 3 mill, men dette er førebels for grovt til at det kan vera grunnlag for å fastsetja ei investeringsramme. Løyving til inventar og utstyr vert såleis å koma attende til i samband med budsjettet for 2020.

Rådmannen sitt framlegg til vedtak:

Kostnadsramme for bygging av ny barnehage på Bø vert fastsett til kr 69.200.000,- inkluder meirverdiavgift.

Formannskapet i Radøy - 014/2019

FS - handsaming:

Formannskapet vedtok rådmannen sitt framlegg til vedtak.

FS - vedtak:

Kostnadsramme for bygging av ny barnehage på Bø vert fastsett til kr 69.200.000,- inkludert meirverdiavgift.

Radøy kommune

Saksframlegg

Saknr	Utval	Type	Dato
015/2019	Formannskapet i Radøy	PS	09.05.2019
	Kommunestyret i Radøy	PS	

Sakshandsamar	Arkivsaknr.:	Dokumentnr.:
Jarle Landås	18/288	19/5571

Utviding av IKT Nordhordland - kommunalt oppgåvefellesskap, samarbeidsavtale §19

Saksopplysingar:

Bakgrunn

Kommunestyra i eigarkommunane til IKT Nordhordland (IKTNH) gjorde i juni 2018 vedtak om at ein skulle starta opp arbeidet med å sjå på mogeleg utviding av IKTNH.

IKT Nordhordland vart etablert i 2011 gjennom ein samarbeidsavtale mellom Austrheim, Fedje, Lindås, Masfjorden, Meland, Modalen, Osterøy, Radøy og Vaksdal om leveranse av IKT-tenester til kommunane. Eininga vart organisert som eit § 28 vertskommunesamarbeid med Osterøy kommune som vertskommune. I 2018 vart samarbeidet omgjort til eit § 27-samarbeid.

Samarbeidet har ført til gode og effektive IKT-tenester i regionen, og samarbeidskommunane har fått gode og effektive tenester av høg kvalitet.

Sidan 2016 har Austevoll kommune kjøpt IKT-tenester av samarbeidet.

Eigarkommunane har hatt to saker om IKTNH til handsaming i løpet av 2018:

- Februar 2018
 - Omgjering av vedtektene frå § 28 til eit § 27-selskap
 - Oppstart av konseptfasen om utgreiing av spørsmålet om utviding av IKTNH
- Omgjering av vedtektene frå § 28 til eit § 27-selskap
- Oppstart av konseptfasen om utgreiing av spørsmålet om utviding av IKTNH
- Mai/juni 2018
 - Arbeidet med å utvida IKTNH bør starta så raskt som mogeleg

Bestillinga frå kommunestyra om å sjå på ei mogeleg utviding av IKTNH er no gjennomført. Vedlagt er rapporten frå arbeidsgruppa og forslag til endring av samarbeidsavtalen.

Oppsummering av rapporten

Utgreiingsarbeid (rapport Hovudprosjekt Utviding IKTNH) er no gjennomført og konklusjonen er at IKTNH bør utvidast med kommunane Austevoll, Gulen og Samnanger. Austevoll er i dag drifta av IKT Nordhordland og det vil berre vera mindre justeringar når dei vert tatt inn som ordinært medlem. Dei to andre kommunane har ein struktur og storleik som gjer at dei lett kan takast inn i drifta til IKTNH.

Alle tre kommunane ønskjer å bli med i IKTNH som ordinær deltakar.

Ei utviding vil medføra betre utnytting av den kapasitet og kompetanse som IKTNH har bygd opp. Og vil frigjera ressursar som kan styrkja naudsynt satsing på digitalisering og innovasjon for å møte framtidige behov og krav på ein god måte.

Tilleggskostnader for implementering av utvidinga vert finansiert av kommunen dette gjeld.

Ei utviding av IKTNH vil stilla større krav til eintydig styringsstruktur. Det vert derfor tilrådd at IKTNH vert eit eige rettssubjekt. Det betyr følgjande:

- Osterøy kommune vert ikkje lenger kontorkommune
- Dei tilsette vert overført frå Osterøy kommune med alle rettar til IKTNH
- IKTNH kan vera ein avtalepart og inngå avtaler
- IKTNH kan ta opp lån.

Dette legg til rette for ei god drift framover, og seinare eit grunnlag for vidare utviding dersom det skulle bli naturleg.

Handsaming av rapporten i regionen

Rapporten og den konkrete tilrådinga:

Rapporten har vore handsama i Rådmannsutvalet i møte 14.01.19 (sak 3/19) og Regionrådet i møte 25.01.19 (sak 6/19), og har tilrådd følgjande.

- IKTNH vert utvida med kommunane Austevoll, Gulen og Samnanger
- IKTNH vert eit eige rettssubjekt

Saka har også vore i strategiutvalet og seinast i rådmannsutvalet 29. mars 2019.

Samarbeidsavtalen

I ny kommunelov er § 27 erstatta med § 19 som er kommunalt oppgåvefellesskap. For den type oppgåver som IKTNH utfører, er det naturleg at samarbeidet vert vidareført som eit kommunalt oppgåvefellesskap.

Kommunelova § 19 set formelle krav til kommunalt oppgåvefellesskap. Desse krava er ivaretatt i vedlagte forslag til samarbeidsavtale. Representantskapet er det øvste organet i eit kommunalt oppgåvefellesskap og bør i dette tilfelle bestå av ordførarane i deltakarkommunane. Representantskapet vedtek dei overordna føringane for selskapet og vel eit styre som bør bestå av rådmennene i deltakarkommunane.

Rådmannen sitt framlegg til vedtak:

1. Radøy kommune vedtar at IKT Nordhordland kommunalt oppgåvefellesskap vert utvida med kommunane Austevoll, Gulen og Samnanger.
2. Radøy kommune vedtar samarbeidsavtalen for IKT Nordhordland kommunalt oppgåvefellesskap slik den ligg føre.

Formannskapet i Radøy - 015/2019

FS - handsaming:

Formannskapet vedtok rådmannen sitt framlegg til vedtak.

FS - vedtak:

1. Radøy kommune vedtar at IKT Nordhordland kommunalt oppgåvefellesskap vert utvida med kommunane Austevoll, Gulen og Samnanger.
2. Radøy kommune vedtar samarbeidsavtalen for IKT Nordhordland kommunalt oppgåvefellesskap slik den ligg føre.

Vedlegg:

IKTNH Utviding Hovudprosjekt

Samarbeidsavtale IKT Nordhordland - 12 kommunar - §19

Radøy kommune

Saksframlegg

Saknr	Utval	Type	Dato
016/2019	Formannskapet i Radøy	PS	09.05.2019
	Kommunestyret i Radøy	PS	

Sakshandsamar	Arkivsaknr.:	Dokumentnr.:
Jarle Landås	14/1348	19/5565

Bortfall av bompengefritak for nullutsleppskøyretøy - Nordhordlandspakken

Saksopplysingar: Bakgrunn

Stortinget har vedtatt at fritaksordninga for nullutsleppskøyretøy vert avvikla. Det er lagt opp til at eksisterande prosjekt kan innføre bompengeavgift for nullutslepps-køyretøya som ligg mellom 0 og 50 prosent av den ordinære taksten, dersom det er lokalpolitisk tilslutnad til dette.

Som ein del av oppfølginga av Prop. 87 S (2017-2018) har Statens vegvesen, Region vest informert det regionale bompengeselskapet Ferde AS om endringa i takstretningslinjene. Ferde AS har bede om at det vert innført bompengeavgift for nullutsleppskøyretøy i dei prosjekta og bompengepakane i regionen der det er lokalpolitisk tilslutnad om å innføre ei slik avgift.

Statens vegvesen, Region vest sender sak til politisk handsaming i alle kommunar i regionen som har bompengeprojekt eller –pakkar der det ikkje er fatta vedtak om betaling for nullutsleppskøyretøy.

Takst for nullutsleppskøyretøy

Oppheving av fritaket for nullutsleppskøyretøy medfører at kommunane og fylkeskommunen kan vedta kva for eit nivå bompengeavgifta for nullutsleppskøyretøy skal ha innanfor intervallet 0-50 prosent av ordinær bompengetakst.

Fylkesutvalet i Hordaland handsama 25. oktober 2018 (sak 254/18) om bompengeavgift for nullutsleppskøyretøy, og fatta følgjande vedtak:

1. Fylkesutvalet legg til grunn at alle bompengeprojekt og -pakkar i Hordaland skal ha 50 % bompenigar for nullutsleppskøyretøy.
2. For bomringen i Bergen viser fylkesutvalet til allereie vedtekne avtale i Miljøløftet om at elbilar skal betale ein rabattert takst på ti kroner utanom rushtid, og 20 kroner i rushtida når andelen elbilar når 20 prosent av alle passeringar.

Vedtaket frå Hordaland er i tråd med det Stortinget har slutta seg til at kan leggjast til grunn for nye bompengeprojekt. Det medfører at kommunane, innanfor ramma av det fylkeskommunale vedtaket, kan velja om ein vil innføre bompengeavgift for nullutsleppskøyretøy på 50 prosent av den rabatterte taksten for dei konvensjonelle køyretøya, eller om ein vil halda på ingen avgift for

nullutsleppskøyretøya, slik ordninga i praksis fungerer i dag, etter at Prop 87 S (2017-2018) vart vedteken.

Om kommunane vedtek eit anna takstnivå enn 50 prosent etter rabatt for nullutsleppskøyretøya, vil det slik SVV vurderer saka, krevja ny handsaming i fylkeskommunen.

Nye bompengetakster i Nordhordlandspakken

I Prop. 87 S (2017-2018) er det omtalt at det for nye bompengeprojekt i utgangspunktet skal leggst til grunn at køyretøy i takstgruppe 2 skal ha 0 prosent av taksten for konvensjonelle køyretøy, dersom det ikkje er fatta lokalpolitiske vedtak om noko anna. Det fylkeskommunale vedtaket spesifiserer ikkje om bompengavgift for nullutsleppskøyretøya gjeld alle nullutsleppskøyretøy, eller berre dei som sorterer under takstgruppe 1 (inntil 3500 kg). Statens vegvesen legg difor til grunn at det vert opp til kommunane å avgjera om avgifta skal gjelda alle nullutsleppskøyretøy, eller berre dei som sorterer under takstgruppe 1.

Ved innføring av bompenger for nullutsleppskøyretøy for Nordhordlandspakken gjelder følgjande takstar (2017-prisar):

	Takstgruppe 1	Takstgruppe 2
Bompengetakst	Kr 19	Kr 31
Nullutslepp	Kr 7,6	

Takstgruppe 1: Køyretøy med tillaten totalvekt til og med 3500 kg, samt køyretøy i køyretøykategori M1 med elektronisk brikke og gyldig avtale.

Takstgruppe 2: Køyretøy med tillaten totalvekt frå 3501 kg, ekskl. køyretøy i køyretøykategori M1 med elektronisk brikke og gyldig avtale.

Konvensjonelle køyretøy i takstgruppe 1 som passerer med gyldig AutoPASS-avtale og elektronisk brikke får 20 prosent rabatt.

Nullutsleppskøyretøy: Køyretøy med elektrisk motor, og som har drivstoffkode 5 i vognkortet eller HY-registreringsskilt. Redusert takst for nullutsleppskøyretøy krev gyldig AutoPASS-avtale og elektronisk brikke.

Bortfall av bompengefritak for nullutsleppskøyretøy vart presentert for kontaktutvalet for Nordhordlandspakken 13.11.2018. Ein vart i møtet einige om at Statens vegvesen sender sak til lokalpolitisk handsaming i kommunane, slik at ordninga kan vera på plass i i Nordhordlandspakken ved innkrevjingsstart.

Kommunane vert invitert til å gjera likelydande vedtak.

Rådmannen sitt framlegg til vedtak:

Det vert innført bompengavgift for nullutsleppskøyretøy i Nordhordlandspakken. Nullutsleppskøyretøy til og med 3500 kg skal betala 50 prosent av taksten til takstgruppe 1 etter brikkerabatt.

Nullutsleppskøyretøy i takstgruppe 2 skal betale 0 pst. av taksten til takstgruppe 2.

Formannskapet i Radøy - 016/2019

FS - handsaming:

Formannskapet vedtok rådmannen sitt framlegg til vedtak.

FS - vedtak:

Det vert innført bompengavgift for nullutsleppskøyretøy i Nordhordlandspakken.

Nullutsleppskøyretøy til og med 3500 kg skal betala 50 prosent av taksten til takstgruppe 1 etter brikkerabatt.

Nullutsleppskøyretøy i takstgruppe 2 skal betale 0 pst. av taksten til takstgruppe 2.

Radøy kommune

Saksframlegg

Saknr	Utval	Type	Dato
017/2019	Formannskapet i Radøy	PS	09.05.2019

Sakshandsamar	Arkivsaknr.:	Dokumentnr.:
Arthur Kleiveland	19/717	19/5303

Meldingar og referatsaker

Saksopplysingar:

Det vert lagt fram følgjande meldingar og referatsaker:

- a. Budsjettbrev frå Fylkesmannen i Vestland
- b. Fellesnemnda for Alver – møtebok 01.04.2019
- c. Kompetanse og utdanning i Nordhordland – rapport samandrag
- d. Nordhordland Revisjon IKS – møteutskrift 26.03.2019
- e. Nordhordland Revisjon IKS – utgreiing av samanslåing – rapport til eigarane 01.04.2019
- f. Sambandet Vest AS – ekstraordinær generalforsamling – protokoll 14.02.2019
- g. NGIR – endring av selskapsavtale
- h. Søknad om støtte til Jubileumsboka «Nordhordlandsbrua 25 år»
- i. Søknad om støtte til Kirkens SOS
- j. Søknad om støtte til Trond Mohn Games
- k. Søknad om støtte til Torgdagen 2019
- l. Tilskotssaker kultur 2019 – utanom ordinære tilskotsordningar
- m. Rossnesvegen – uttale frå Risnes krins grunneigarlag
- n. KLP – resultat 2018
- o. Sambandet Vest AS – orientering ved John Fredrik Wallace i Sambandet Vest AS og prosjektansvarleg i Norconsult, Øystein Skofteland
- p. Sjukefråver-prosjektet – status v/personalsjef Kjetil Morken
- q. Status investeringar – blir lagt fram i møtet
- r. Orienteringar ordførar/rådmann

Rådmannen sitt framlegg til vedtak:

Meldingar og referatsaker vert tekne til orientering

Formannskapet i Radøy - 017/2019

FS - handsaming:

Sambandet Vest AS: John Fredrik Wallace frå Meland kommune og planansvarleg Øystein Skofteland i Norconsult orienterte om sliingsprosess og utarbeiding av planprogram for Sambandet Vest mellom Radøy, Meland og Askøy. Dei presenterte status og framdrift, og skisserte alternative løysingar. Planprogrammet kjem til politisk handsaming i Radøy til hausten.

NGIR - endring selskapsavtale: Rådmann Jarle Landås opplyste at Alver kommunestyre skal ta stilling til endring i selskapsavtale til hausten.

Bok om Nordhordlandsbrua: Formannskapet vedtok å gje eit tilskot på 15.000 kroner til nytt opptrykk av boka om Nordhordlandsbrua - med tillegg, i samband med at det er 25 år sidan Nordhordlandsbrua vart tatt i bruk.

Kirkens SOS: Formannskapet vedtok å gje eit tilskot på 5000 kroner til Kirkens SOS.

Trond Mohn Games: Formannskapet vedtok å avslå søknaden om økonomisk støtte til Trond Mohn Games i år.

Torgdagen: Formannskapet vedtok å avslå søknaden om økonomisk støtte til Torgdagen.

Asfaltering: Ordførar Jon Askeland informerte om at fylket i år skal asfaltera Rossnesvegen frå Gradnatun til Rossnes, og strekninga frå Ishuset over Haukåsen til kryss på fv 555.

Sjuekefråver - status: Utsett til neste møte i formannskapet.

Fond - reglement: Ordføraren viste til notat frå økonomisjef knytt til verbalpunkt i budsjettet om reglement for kommunale fond. Formannskapet tok notatet til etterretning.

Tilskotsordningar utanom ordinære ordningar: Radøy kommune har motteke fleire søknader om tilskot som fell utanfor dei ordinære ordningane for kulturmidlar, og som det ikkje er sett av midlar til i budsjettet for 2019. Ordførar Jon Askeland la fram ein skisse til ei mogleg søknadsordning der lag/organisasjonar i Radøy kan søkja midlar til ulike investeringar/tiltak., basert på bestemte kriterier. Tilskotsordninga er tenkt som eit eingongstiltak i 2019. Formannskapet slutta seg til ideen, og gav ordføraren i oppdrag å utarbeida eit notat om dette til neste møte i formannskapet.

Kantinedrift Sæbø skule: Rådmann Jarle Landås informerte om at kantinedrifta ved Sæbø skule er avvikla. Det vart brukt ein 70 prosent til kantinedrifta, og dette er ein ressurs rektor har sagt klart frå om at ho ønskjer å bruka i skulen si kjerneverksemd. Men skulen skal framleis leggja til rette for fellesmåltid, men ved at elevane sjølv tar med seg mat heimefrå.

Formannskapet tok meldingar og referatsaker til orientering, med dei tillegg som vart sett fram i møtet.

FS - vedtak:

Meldingar og referatsaker vert tekne til orientering, med dei tillegg som vart sett fram i møtet.

Vedlegg:

Budsjettbrev Fylkesmannen i Vestland_melding

Fellesnemnda for Alver - møtebok 01.04.2019

Kompetanse og utdanning i Nordhordland - rapport

Kompetanse Nordhordland - samandrag

Nordhordland revisjon IKS møteutskrift 26.3.19

Rapport til eigarane av NHR IKS og IHR_010419 (L)(289695)

Sambandet Vest _ ekstraordinær generalforsamling protokoll 150219

Brev til NGIR sine eigarkommunar - Endring av NGIR sin se (L)(283099)

Nordhordlandsbrua 25år - søknad om tilskot kr. 15.000- frå Radøy kommune

Nordhordlandsbrua 25 år jubileumsbok -kostandsoverslagfinansiering

Nordhordlandsbrua innhald boka frå 1994

Kirkens SOS _ søknad om tilskot

Kirkens SOS _ budsjett 2019
Kirkens SOS _ signert regnskap
Kirkens SOS _ årsmelding 2018
Trond Mohn games 2019 _ søknad om støtte
Torgdagen Søknad 2019_
Tilskotssaker kultur 2019 utanom ordinære tilskotsordningar
Rossnesvegen - uttale årsmøte Risnes krins grunneigarlag
Uttale Risnes krins grunneigarlag
KLP Resultat 2018
Regelverk for fond

Radøy kommune

Saksframlegg

Saknr	Utval	Type	Dato
018/2019	Formannskapet i Radøy	PS	09.05.2019

Sakshandsamar	Arkivsaknr.:	Dokumentnr.:
Lisbeth Toppe Alvær	19/713	19/7121

Sal av kommunale eigedomar Haugland skule mfl.

Saksopplysingar:

Bakgrunn

Kommunen får frå tid til anna forespørslar med ønskje om å kjøpe kommunal eigedom. Den siste tida har kommunen fått fleire slike forespørslar, t.d. vedk. kjøp av ubebygd tomt til bustad- og næringsføremål og bebygd tomt som kommunen eig. Det varierer om det er generell forespørsel med ønske om å kjøpe, eller om det er konkret bud på eigedom.

Radøy kommune har ikkje oppdaterte retningslinjer for sal av eigedom. Å utarbeide omfattande retningslinjer for sal er tidkrevande, og bør løysast i den nye kommunen. Rådmannen ønskjer derfor ei politisk avklaring av prosess for å handtere sal av kommunal eigedom fram til årsskiftet.

Kommuneloven seier ikkje noko konkret om korleis kjøp og sal av eigedomar skal skje i kommunane. Men etter regelverk om offentleg støtte vil sal av offentleg eigedom til lågare pris enn marknadsverdi, kunne vere ulovleg støtte til kjøpar.

Mynde til sal av kommunal eigedom er regulert i politisk reglement. Formannskapet har følgjande mynde til endeleg avgjerd: (pkt 4 F, politisk reglement for Radøy kommune, 08.12.16):

- Kjøp, avhending, makeskifte eller pantsetjing av fast eigedom og saker om å gje frå seg eller hefta bort nokon rett i fast eigedom når eigedomen eller retten har ein verdi på mindre enn kr 5.000.000,-.
- Fastsetje pris når kommunestyret har vedteke at ein bestemt eigedom skal kjøpast, avhendast eller heftast bort og ikkje sjølv har fastsett prisen.

Rådmannen er delegert følgjande mynde (pkt 7 C):

- Sal av industriareal, tomter m.m. kommunale industriareal og industritomter, kommunale bustadareal og bustadtomter, og kommunale eigedomar i samsvar med dei rammer og fullmakter som overordna politiske organ har gitt.
- Avstå (selja) mindre kommunale areal på inntil 200 kvm. frå kommunale areal etter innhenta fråsegn frå interesserte partar som saka direkte gjeld. (...)

Kommunen har fått førespurnad på sal av følgjande tomtar:

- Gbnr 24/210 Bøvågen

Hammar-Kameratane skriv i e-post til kommunen:

«Tomta er tenkt brukt til kombinasjonsbygg, med lager/utsal i kjellar og kontor, møterom og næringsareal for byggje- og arkitekttenester mm. i 2 etg. Eventuelt kombinert med utleige for andre føretak med same behov. (...) Det må jo og seiast at for Bøvågen må det vere positivt at deler av arealplanen som vart godkjent for 46 år sidan, endeleg kan settast i live.

Hammar-Kameratane AS feirar 10 års jubileum i år og dette vil vere ein fin vidareutvikling av bedrifta.»

Arealføremål på tomta er etter reguleringsplan for Bøvågen/12601973000200 handel, forretningar og tenester.



• **Gbnr 24/266 Bøvågen**

Det er vist interesse for kjøp av tomt med føremål å byggje bustad. Eigedomen har i dag føremål BKB, som er kombinert byggje- og anleggsformål. Det følgjer av reguleringsplanen pkt. 2.4.1 at; «BKB er avsett til kombinert byggje- og anleggsføremål for eksisterande bygning og tilhøyrande anlegg. Området kan nyttast til hybelhus, undervisning, institusjon, kyrkje/anna religionsutøving, forsamlingslokale, administrasjon, kontor, overnatting og bevertning.»



· **Gbnr 77/8 Barnehagetomt Austmarka**

Det er vist interesse for tomten med føremål å byggje bustader. Området er i reguleringsplan Austmarka, *del 3, 3 byggestad* regulert til barnehage. Vidare er det vist som offentlig formål i KPA.



- **Gbnr 45/322 Manger sentrum**

Det er vist interesse for eit område som kommunen eig som grensar mot Rema 1000, og bustadområdet Hesthaugen, med føremål å byggje bustader. Den aktuelle delen av tomten har bustad/forretning som arealformål i kommuneplanen.

- **Gbnr 25/19 gamle Haugland skule**

Radøy kommune har mottatt konkret bod på gnr. 25 bnr 19 (gamle Haugland skule) på kr. 600.000. Bodgjevar vurderar at bygningsmessig forfall etter verdivurderinga er ca 100.000 kr og at tilbodet med det er etter marknadspris. Det er opplyst at eigedomen primært er tenkt til bustadformål, men også andre ting, som lager, kan vere aktuelt, gjerne på kortare sikt.



I revidert kommuneplan er det foreslått å endre arealføremål til kombinert formål bebyggelse og anlegg, mens området med VA-anlegg blir ståande med formålet andre typar bebyggelse og anlegg - VA.

Kommunestyret vedtok 19.05.2016 å selje av delar av gamle Haugland skule (etter avsett areal til høgdebassenget). Radøy kunstsenter har flytta ut av bygningen, som i dag står tom. Det er innhenta verdivurdering av eigedomen datert 29.08.17, der marknadsverdi er vurdert til kr. 700.000. Administrasjonen har etter dialog med formannskapet avventa å legge eigedomen ut for sal, til det er avklart endring av regulering av eigedomen i revisjon av kommuneplanen. Det er i kommuneplanen lagt inn formål kombinert bebyggelse og anlegg.

Vurdering

Det er viktig for tilliten til kommunal forvaltning at sakshandsaming i samband med sal av kommunal eigedom er open, forutsigbar og etterprøvbar, og at kommunen unngår støtte til næringsverksemd ved å selje eigedom under marknadspris. Eigedom som vert vurdert seld, bør derfor vere tilstrekkeleg utlyst og kunngjort, slik at alle potensielle kjøparar vert oppmerksom på salet. Dersom salet vert basert på budrunde, vil slik framgangsmåte også sikre marknadspris på eigedomen. Dersom kommunen meiner det unntaksvis er grunnlag for å selje til ein bestemt kjøpar kan eigedomen seljast til marknadstakst.

Det er henta inn, eller pågår taksering av eigedomane som det har kome forespørsel om å selje. Rådmannen rår til at sal av aktuelle eigedomar vert kunngjort med utgangspunkt i takst, og seld til

høgstbydande. Prosessen vert handtert av meklar, og avgjort i samsvar med delegert mynde.

Tomta i Austmarka er regulert til barnehageformål. Det er venta vekst i bustadbygginga i området og tomte vil kunne vere aktuell til bruk for å dekkje framtidig barnehagebehov. Eigedommen bør derfor ikkje leggst ut for sal før det eventuelt er avklart at det ikkje er aktuelt for kommunen å bruke denne i framtida.

Når det gjeld gamle Haugland skule må det takast stilling til tilbodet ved å akseptere eller avslå bodet. Spørsmålet er om det føreligg grunnlag for å selje eigedommen til budgjevar utan at den er lagt ut for sal og tilgjengeleg for fleire. Rådmannen legg til grunn prinsippet om å lyse ut for sal slik at eigedommen er tilgjengeleg for fleire. Dersom det likevel politisk er ønskjeleg å selje eigedommen til budgjevar er det vidare eit spørsmål om bodet står i forhold til verdivurderinga som føreligg (marknadspis).

Konklusjon

Sal av kommunale eigedomar skal som hovudregel kunngjerast offentleg. Om dei aktuelle eigedomane skal leggst ut for sal må vurderast individuelt.

Rådmannen sitt framlegg til vedtak:

Kommunale eigedomar som skal seljast skal som hovudregel kunngjerast offentleg.

Eigedomane gbnr. 24/210 Bøvågen, 24/266 Bøvågen og 45/322 Manger sentrum vert lagt ut for sal.

Gbnr 77/8 Austmarka vert ikkje lagt ut for sal.

Bodet på gbnr 25 bnr 19 vert ikkje akseptert.

Formannskapet i Radøy - 018/2019

FS - handsaming:

Formannskapet drøfta saka.

Det var semje om å selja kommunale eigedomar til takst.

Av omsyn til den vidare utviklinga av næringsinteresser i Manger sentrum, vil formannskapet ikkje selja eigedom 45/322 i Manger sentrum.

Formannskapet drøfta også bodet som er kome inn på gbnr 25 bnr 19 (gamle Haugland skule). Formannskapet konkluderte med at dei vil selja eigedommen til budgjevar for takst. Rådmannen får fullmakt til å sjå på grensetilpassing og tilkomst til kommunalt høgdebasseng, som igjen kan gje grunnlag for justering av pris.

Det vart sett fram følgjande fellesframlegg:

Formannskapet aksepterer at følgjande eigedomar vert selt etter takst: bnr. 24/210 Bøvågen, 24/266 Bøvågen og Gbnr 77/8 Austmarka.

Eigedom 45/322 i Manger sentrum blir ikkje selt.

Bodgjevar på eigedom gbnr 25 bnr 19 får tilbod om å kjøp til fastsett takst.

Rådmannen får fullmakt til å inngå endelege avtalar.

Formannskapet vedtok fellesframlegg sett fram i møtet.

FS - vedtak:

Formannskapet aksepterer at følgjande eigedomar vert selt etter takst:

bnr. 24/210 Bøvågen, 24/266 Bøvågen og Gbnr 77/8 Austmarka.

Eigedom 45/322 i Manger sentrum blir ikkje selt.

Bodgjevar på eigedom gbnr 25 bnr 19 får tilbod om å kjøp til fastsett takst.

Rådmannen får fullmakt til å inngå endelege avtalar.

Vedlegg:

Tilbod om kjøp av gamle Haugland Skule (L)(289235)

Takst tidl Haugland skule Rapport